



**Indlela
Yokuya
KuNkulunkulu**



©2011 World Missionary Press, Inc.. Meryl Esenwein art on pages 10, 12, 14, 16, 27, 29, 39, 41, 42, 44, 46, 47, and 48.
Ndebele Standard Bible™ (Ibhayibhili Elingcwele™) Copyright © 2003, 2006 by Biblica, Inc. Used with permission. All rights reserved worldwide.
“Biblica”, “International Bible Society” and the Biblica Logo are trademarks registered in the United States Patent and Trademark Office by Biblica, Inc. Used with permission.

UNKULUNKULU WADALA UMHLABA LAZO 1 ZONKE IZINTO EZIPHILAYO

Ekuqaleni uNkulunkulu wadala amazulu lomhlaba.

—UGenesisi 1:1

**Ngoba izinto zonke zadalwa ngayo: izinto ezisezulwini
lezisemhlabeni....**

—AbaseKholose 1:16

**Sengathi lingabusiswa nguTHIXO uMenzi wezulu
lomhlaba. NGAKATHIXO amazulu aphezu kwakho
konke, kodwa umhlaba wawunika abantu.**

—AmaHubo 115:15, 16

**Umhlaba wawumuhle, uNkulunkulu wawunikeza umuntu.
Bala lolugwalo ukuze ubekwazi okwenzakalayo.**



UNkulunkulu wasesithi, “Asenze umuntu ngesimo sethu langomfanekiso wethu ukuze abuse...wonke umhlaba....”

—UGenesisi 1:26

UMUNTU WABAYISIDALWA ESIPHILAYO 3

Ngakho uTHIXO uNkulunkulu wasebumba umuntu ngothuli lomhlabathi, waphefumulela emakhaleni akhe umphefumulo wokuphila, umuntu wasesiba yisidalwa esiphilayo. —UGenesisi 2:7

UTHIXO uNkulunkulu wathi, “Kakukuhle ukuba indoda ibe yodwa. Ngizayenzela umsizi....” Ngakho uTHIXO uNkulunkulu wenza indoda yalala ubuthongo bokufa; kwathi khonapho isalele wathatha olunye ubhambo lwendoda waseyivala leyondawo ngenyama. Emva kwalokho uTHIXO uNkulunkulu wasesenza umfazi ngobhambo ayeluthethe endodeni, wasemletha endodeni. —UGenesisi 2:18, 21, 22

***Ukuba ngumoya ophilayo kutsho ukuthi sizakuba kweyindawo kuze kube laphakade.**

UADAMU LOEVA ABALALELANGA UNKULUNKULU



Asimelanga silalele ilizwi likasathane.

**UTHIXO uNkulunkulu wamthatha umuntu wambeka 5
eSivandeni se-Edeni ukuthi asisebenze njalo asinakekele.
Njalo uTHIXO uNkulunkulu wamlaya umuntu wathi,
“Ukhululekile ukudla loba yisiphi isihlahla esivandeni;
kodwa ungadli isihlahla sokwazi okuhle lokubi, ngoba
ungaze usidle uzakufa ngempela.” —UGenesisi 2:15-17**

**INYOKA, OBIZWA NGOKUTHI OMUBI LOBA USATHANE,
WATHANDABUZA UMBUSO KANKULUNKULU
NGOKUQAMBA AMANGA.**

**Inyoka yathi kowesifazane, “Kalisoze life ngempela.”
Kwathi owesifazane ngokubona ukuthi izithelo zesihlahla
leso zazi yikudla okuhle njalo zibukeka emehlweni, njalo
kudingeka ukuzuza ukuhlakanipha, wakha ezinye wadla.
Wapha njalo ezinye indoda yakhe ayelayo khonapho, layo
yadla. —UGenesisi 3:4, 6**

UADAMU LOEVA BABENGESENELISI UKUHLALA ENSIMINI



...UTHIXO uNkulunkulu wamxotsha eSivandeni se-Edeni ukuthi asebenze umhlabathi ayethethwe kuwo. ...Wamisa...amakherubhi lenkemba ebhebhayo, ...ukulinda indlela eya esihlahleni sokuphila.

—UGenesisi 3:23, 24

KWABALUSUKUN OLUDANISAYO EBANTWINI UKUBAKWAZI UKUTHI UADAMU LOEVA BAWONA

7



**...Isono sangena emhlabeni ngomuntu oyedwa,
lokufa ngesono, njalo ngale indlela ukufa kwafika
ebantwini bonke....**

—AbaseRoma 5:12

Into yokukhumbula

Wonke umuntu wazalelwa esonweni njalo ngelinye ilanga uzakufa ngoba ukufa kwengena ngesono. (Bala ukwaBaseRoma 5:12.)

8

**UHLELO LUKANKULUNKULU
LOKUSIHLELNGA ESONWENI
KWAKUYIKUTHUMELA
INDODANA YAKHE EYODWA**



Ukuze aphile ebantwini,
indodana kaNkulunkulu
yayimele ibengumuntu.

**“Uzabeletha indodana
ozayetha ibizo uthi nguJesu
ngoba uzasindisa abantu
bakhe ezonweni zabo.”**

—UMatewu 1:21

**Ngoba bonke ubuNkulunkulu
buhlezi kuKhristu ngesimo
somzimba.**

—AbaseKholose 2:9

UJESU NGUNKULUNKULU OYISIMO SOMUNTU

9

Ekugqaleni wayekhona uLizwi, uLizwi wayeloNkulunkulu, njalo uLizwi wayenguNkulunkulu. ULizwi waba yinyama, [waphila]...phakathi kwethu.... —UJohane 1:1, 14

**Konke lokhu kwenzakala ukuze kugcwaliseke...:
“Intombi egcweleyo izakhulelwa izale indodana, bayibize ngokuthi ngu-Emanuweli” (okutsho ukuthi, “uNkulunkulu ulathi”). —UMatewu 1:22, 23**

Ngoba sizalelwe umntwana, siphawe indodana, umbuso uzakuba phezu kwamahlombe akhe. Uzabizwa ngokuthi uMeluleki Omangalisayo, uNkulunkulu uSomandla, uBaba Waphakade, iNkosana yokuThula. —U-Isaya 9:6

UJESU KRISTU NGUMNIKELO WETHU OQOTHO

...Owayengelasono....

—2 AbaseKhorinte 5:21

“Yena kenzanga sono....”

—1 UPhethro 2:22



Akula (mnikelo) OQOTHO
umuntu owayengawunikela
ukuze wesule isono.

Ngoba akwenzakali ukuba igazi
lenkunzi lelembuzi lisuse izono.

—AmaHebheru 10:4

UJesu yimvana kaNkulunkulu. ...“Khangelani, nanti
iWundlu likaNkulunkulu elisusa isono somhlaba!”

—UJohane 1:29

UJESU WANIKELA IMPILO YAKHE UKUZE ASISINDISE

11

UJesu bambethelela esiphambanweni sesigodo ngenxa yabantu ababelomona babemzonda. Kodwa kwakuluhlelo lukaNkulunkulu. UJesu ngokuthanda kwakhe wanikela impilo yakhe ukusindisa mina lawe ezonweni zethu.

UJesu wathi, **“Kakho ongithathela yona [Impilo yami] kodwa ngiyinikela ngokufisa kwami. Ngilalo ilungelo lokuyinikela lelungelo lokuphinde ngiyithathe....”** —UJohane 10:18

SAHLENGWA NGEGAZI LEMVANA KANKULUNKULU

...Ukuthi kalihlengwanga ngezinto ezifayo ezinjengegolide lesiliva..., kodwa ngegazi eliligugu likaKhristu imvana engelacala loba isici. —1 UPhethro 1:18, 19

AKULA MNIKELO ONGESULA IZONO

Njalo...senziwe saba ngcwele ngomhlatshelo womzimba kaJesu Khristu kanye kuphela. —AmaHebheru 10:10


12 ...Sesilungisiswe ligazi lakhe, pho sizasindiswa
[ubalwa kwabangcwele] **kakhulu kangakanani olakeni**
lukaNkulunkulu ngaye! —**AbaseRoma 5:9**

...“**Jesu, ungikhumbule nxa**
ungafika embusweni wakho.”
—**ULukha 23:42**



Isela leli
lakholelwa
kuJesu
lasindiswa.

...“**Ngiyakutshela**
iqiniso ngithi,
lamuhla uzakuba
lami epharadise.”
—**ULukha 23:43**



Isela leli
alikholelwanga
kuJesu,
ngakho
alisindiswanga.

...**Siseseyizoni, [ukungalaleli uNkulunkulu] uKhristu wasifela.**

—**AbaseRoma 5:8**

BONKE ABAKHOLELWA KUNDODANA 13
KANKULUNKULU BABALEMPILO

UNkulunkulu walithanda ilizwe kangaka waze wanikela iNdodana yakhe eyiyo yodwa ukuze kuthi loba ngubani okholwa kuyo angabhubhi, kodwa abe lokuphila okungapheliyo.

—UJohane 3:16

Ngoba wasihlenga embusweni wobumnyama [sitshintshiwe indawo] wasiletha embusweni weNdodana yakhe ayithandayo, okukuyo *ukuhlengwa kwethu lokuthethelelwa kwezono. —AbaseKholose 1:13, 14

***Ukuhlengwa kutsho sesithengiwe kakutsha.**



Ingilosi yathi kwabesifazane, “Lingesabi, ngoba ngiyazi ukuthi lidinga uJesu obebethelwe. Kakho lapha; usevukile kwabafileyo njengoba watsho. Wozani libone indawo abelele kuyo.”

—UMatewu 28:5, 6

UJESU WAVUKA KWABAFILEYO 15

“NgingoPhilayo; ngangifile njalo khangela ngiyaphila kuze kube nininini! Njalo ngiphethe izihluthulelo zokufa kanye leHadesi [legehena].” —Isambulo 1:18

...“Ngenxa yokuthi ngiyaphila, lani lizaphila futhi.”
—UJohane 14:19

Ngenxa yokuthi uJesu wanqoba ukufa njalo ulezihluthulelo zokufa, asimelanga sesabe ukufa.

Nxa ngisesaba ngizathemba kuwe. —AmaHubo 56:3
(Bona ikhasi 46 ukuze ubone izithembiso zikaNkulunkulu.)

UJESU ENGAKUSINDISA NJALO UYAKUTHANDAZELA
Kodwa uJesu uphila kuze kube laphakade,.... Ulamandla okubasindisa ngokupheleleyo labo abeza kuNkulunkulu ngaye ngoba uhlezi ephilela ukubancengela.
—AmaHebheru 7:24, 25

MINA LAWE SINGAKHETHA IMPILO ENAPHAKADE



Uthatha iphi indlela?

UJesu Kristu yiyo **INDLELA**
ye**MPILO ENAPHAKADE**
lo**Nkulunkulu**.

USathane yindlela yokuya
Ekufeni okunaphakade.

Lomfana uthatha isinqumo esiqondileyo sempilo
enaphakade.

UNGAKHETHANI?

17

“...Khethani phakathi kwenu namhlanje lowo elizamkhonza....” —UJoshuwa 24:15

“...Khathesi zikhetheleni ukuphila, ukuze kuthi lina kanye labantwabenu libe lokuphila.”
—UDutheronomi 30:19

UJESU YINDLELA YEMPILO ENAPHAKADE

“Kakho omunye okulensindiso kuye; phela kalikho elinye ibizo ngaphansi kwezulu elaphiwa abantu ukuthi sisindiswe ngalo.” —Imisebenzi 4:12


“Mina, mina uqobo, NGINGUTHIXO, ngaphandle kwami kakho omunye umsindisi.” —U-Isaya 43:11

18 KUNGANI SIMELE SIKHETHE UJESU NXA SIFUNA IMPILO ENAPHAKADE

1. *NguKristu owabuyayo.*

“...Mina ngilande ukuze zibe [libe] lokuphila, zibe [libe] lakho ngokugcweleyo.”

—UJohane 10:10



2. *NguKristu owasithandayo wasifela.*

...[INdodana ka Nkulunkulu yangithanda] **yazinikela ngenxa yami.**

—AbaseGalathiya 2:20

UJesu wabangumuntu, inyama legazi njengathi, ...ngokufa kwakhe amchithe

**lowo ophethe amandla okufa okutsho uSathane, 19
abakhulule ababesebugqilini impilo yabo yonke
ngenxa yokwesaba kwabo ukufa.**

—AmaHebheru 2:14, 15

***3. Igazi likaJesu yilo kuphela elingasisindisa
ezonweni zethu.***

**“...Kuligazi elenze ukubuyisana [ukuthethelelwa]
empilweni yomuntu.” —ULevi 17:11**

**...[igazi] likaJesu iNdodana yakhe liyasihlambulula
ezonweni zonke. —1 UJohane 1:7**

**Okukuyo ukuhlengwa [usindiso] kwethu
lokuthethelelwa kwezono. —AbaseKholose 1:14**



4. NguKristu owavuka kwabafileyo.

Ngoba siyazi ukuthi njengoba uKristu wavuswa kwabafileyo, angeke afe futhi; ukufa akuselawo amandla [ukubusa] phezu kwakhe.

—AbaseRoma 6:9

Wafela abantu bonke ukuze abaphilayo bangaziphileli bona ngokwabo kodwa lowo owabafelayo wavuswa njalo.

—2 AbaseKhorinte 5:15

UJesu wathi, “...Ngenxa yokuthi ngiyaphila, lani lizaphila futhi.”

—UJohane 14:19

5. Kumele sibelomMoya kaKristu Phakathi 21
kwethu ukuze sivuswe, sibelemphilo enaphakade
(ukuphila kunaphakade).

...UKhristu phakathi kwenu, ithemba lenkazimulo.
—AbaseKholose 1:27

Njalo nxa uMoya walowo owavusa uKhristu
kwabafuleyo ehlala kini, yena owavusa uKhristu
kwabafuleyo, imizimba yenu efayo uzayinika ukuphila
ngoMoya wakhe ohlala kini. —AbaseRoma 8:11

WOBA LESIQINISEKO SOKUTHI UMOYA KANKULUNKULU
UPHILA PHAKATHI KWAKHO

...Nxa umuntu engelaye uMoya kaKhristu, kasuye
kaKhristu [kasoka kaNkulunkulu]. —AbaseRoma 8:9

22 UJESU UTHANDA BONKE ABANTWANA



**Wasebathatha
abantwana
ebaphatha,
wababeka izandla
wababusisa.**

—UMakho 10:16

“UJesu uyangithanda, ngiyazi, ngoba iBhayibhili
lingitshela njalo.”

Kodwa uJesu wabizela kuye abantwana wathi, 23
“Yekelani abantwana beze kimi, lingabavimbeli ngoba umbuso kaNkulunkulu ungowabanjengalaba.”

—ULukha 18:16

“Ngokufanayo, uYihlo osezulwini kafisi ukuthi lamunye walaba abancinyane abhubhe [ukubhidlizwa loba ukulahleka nompela].”

—UMatewu 18:14

Loba ungubani loba uhlala ngaphi, UJesu uyakuthanda njalo wakufela. UJesu uyalufuna uthando lwakho, lawe. Ungatshengisa uthando lwakho kuJesu ngokumlalela.

“Nxa lingithanda, gcinani imilayo yami.”

—UJohane 14:15

Lomntwana waziwa ngezenzo zakhe.... —Izaga 20:11

UNGATHOLA NJANI INDLELA YOKUYA KUNKULUNKULU

1. *Vuma ukuthi uyisoni (bona ikhasi 7).*

Ngoba bonke bonile njalo bayasilela enkazimulweni kaNkulunkulu. —AbaseRoma 3:23

2. *Buya kuNkulunkulu kudlulisela ngoJesu Kristu.*

Ngoba uNkulunkulu munye njalo lomeli munye phakathi kukaNkulunkulu labantu, umuntu uKhristu Jesu. —1 UThimothi 2:5

Ngakho [Jesu] ulamandla okubasindisa...labo abeza kuNkulunkulu ngaye.... —AmaHebheru 7:25

UJesu wathi, "...Lowo oza kimi kangisoze ngimlahle [njimjikele].” —UJohane 6:37

3. *Phenduka ezonweni zakho.*

(Ukuphenduka kutsho “ukuxolisa okwaneleyo ukutshiya izono.”)

Ngakho phendukani, libuyele kuNkulunkulu ukuze izono zenu zesulwe.... —Imisebenzi 3:19

INKosi...iyalibekezelela, ingafuni ukuba lamunye abhubhe, kodwa ukuba umuntu wonke aphenduke.

—2 UPhethro 3:9

4. *Vuma izono zakho kuJesu.*

(Ukuvuma kutsho “ukutshela” loba “ukuvuma.”)



**Nxa sivuma izono zethu, yena uthembekile njalo ulungile, uzasithethelela izono zethu....
—1 UJohane 1:9**

26 Kumizila engaphansi bhala ivesi 1 UJohane 1:9
etholakala kukhasi 25.


5. Tshiya izono zakho.

(Ukutshiya kutsho “ukuyekela, tshiyana lakho.”)

Lowo ofihla iziphambeko zakhe kayikuphumelela, kodwa lowo ozivumayo azitshiye ufumana umusa. —Izaga 28:13

Phendukani ebubini lenze ukulunga....

—AmaHubo 37:27



6. Kholelwa kuJesu Kristu. 27

Nxa uvuma ngomlomo wakho usithi, “UJesu uyiNkosi,” njalo ukholwa enhliziyweni yakho ukuthi uNkulunkulu wamvusa kwabafuleyo, uzasindiswa.

—AbaseRoma 10:9

“...Kholwa eNkosini uJesu, uzasindiswa; wena kanye lendlu yakho.”

—Imisebenzi 16:31

Ngoba ngomusa lisindisiwe, kungokukholwa... kuyisipho sikaNkulunkulu, hatshi ngemisebenzi, ukuze kungabi lozazincoma.

—Abase-Efesu 2:8, 9

**28 7. Yamukela uJesu Kristu enhlizweni
lempilweni yakho.**

Wena nguwe ongavula umnyango wenhliziyo yakho umeme uJesu angene. UJesu wathi, **“Mina ngilapha! Ngimi emnyango ngiqoqoda. Nxa kukhona ozwa ilizwi lami avule umnyango, ngizangena ngidle laye, laye adle lami.”**

—Isambulo 3:20

Ikanti kulabo bonke abamamukelayo, kulabo abakholwayo ebizweni lakhe, wabapha ilungelo lokuba ngabantwana bakaNkulunkulu.

—UJohane 1:12



Nxa ungakaze uthandaze njalo udinga usizo lokuthi uthandaze, ungalandela umthandazo ongaphansi:



Nkosi Jesu ngiyabonga ngokufa esiphambanweni ukuze wesule izono zami. Ngiyaxolisa ngezono zonke engizenzileyo. Ngiyacela ngena enhlizweni yami uphile enhlizweni yami kunaphakade. Ngiyakukholelwa ukuthi uhlanze inhliziyo yami. Ngiyakuthatha ukuthi ubeyiNkosi loMsindisi wami.

Egameni lakho ngiyathandaza, Amen.

UKUBA LOJESU ENHLIZWENI YAKHO, ULEMPILO ENAPHAKADE

...UNkulunkulu usinike ukuphila okulaphakade njalo lokhu kuphila kuseNdodaneni yakhe. Lowo oleNdodana yakhe ulokuphila.... —1 UJohane 5:11, 12

“...Lowo owezwayo amazwi ami amkholwe lowo ongithumileyo...usechaphile wasuka ekufeni waya ekuphileni.” —UJohane 5:24

Nxa umzimba wakho ungafa, uyaphila leNkosi (2 AbaseKhorinte 5:8). ...UKhristu phakathi kwenu, ithemba lenkazimulo (AbaseKholose 1:27).

Nxa usucele uJesu ukuthi akuthethelele izono zakho, njalo ukholelwa kuNkosi uJesu ngengomsindisi wakho, bhala ibizo lakho ngaphansi:



Bala amavesi ebhayibhili (izwi likaNkulunkuluzonke) nsuku zonke uwafihle enhlizweni yakho ngokuwagcina engqondweni yakho. (Manengi e egwalweni lolu oluncane.)

IMibhalo yonke yaphefumulelwa nguNkulunkulu njalo ilosizo ekufundiseni, [okukholelwayo] lokukhuza, lokuqondisa, lokufundisa ngokulunga.

—2 UThimothi 3:16

32 KHULUMA LOJESU NGOMTHANDAZO LOBA YISIPHI ISIKHATHI

Bonga UJesu ngakho KONKE okuhle **umdumise** ngezinto ezinhle akwenzele zona lokusindisa impilo yakho **thandazela loba yosiyiphi isidingo** olaso. Thandaza udlulisela ngoJesungoJesu.



...Nxa sicela ulutho ngokwentando yakhe, uyasizwa. —1 UJohane 5:14

“...UBaba wami uzalinika loba yini eliyicela ngebizo lami.” —UJohane 16:23

...Likhulekelane.... —UJakhobe 5:16

“...Libakhulekele labo abalihlukuluzayo.” —UMatewu 5:44

UMTHANDAZO, UJESU OWAWUFUNDISA 33 ABAFUNDI BAKHE

(Umfundi ngumuntu olandela uJesu.)

UJesu watshela abafundi bakhe ukuthi bethandaze besithi:

“...Baba wethu osezulwini, kalidunyiswe ibizo [ngcwele] lakho, umbuso wakho kawuze, intando yakho kayenziwe emhlabeni njengalokhu isenziwa ezulwini. Siphe lamuhla isinkwa sethu sansukuzonke. Njalo usithethelele izono zethu, njengoba lathi sibathethelela abasonelayo. Njalo ungasingenisi ekulingweni, kodwa usisindise komubi.”

—UMatewu 6:9-13

Lomthandazo umele ukugcine enhlizweni. Abakholwayo bayandise ukuthandaza umthandazo lo bephumisela ndawonye.

34 IMILAYO KANKULUNKULU ELITSHUMI ISIFUNDISA UKUTHI SIPHILE NJANI

(U-Eksodasi isahlulelo 20)

Emine yakuqala imayelana lothando lwethu kuNkulunkulu

1. “Ungabi labanye onkulunkulu ngaphandle kwami.”
2. “Ungazenzeli isithombe ngesimo saloba yini....
Ungazikhothameli loba ukuzikhonza....”
3. “Ungadlali ngebizo LIKATHIXO uNkulunkulu wakho....”
4. “Khumbula usuku lweSabatha ngokulwenza lubengcwele.”

Eyisithupha yokugcina imayelana lothando lwethu kwabanye abantu

5. **“Hlonipha uyihlo lonyoko....”**
6. **“Ungabulali.”**
7. **“Ungafebi.”** (Ukuphinga lucansi lokungathembeki kumkakho.)
8. **“Ungantshontshi.”**
9. **“Ungafakazi amanga ngomakhelwane wakho.”**
10. **“Ungahawukeli...loba yini ekamakhelwane wakho.”**

**UKULALELA UNKULUNKULU KULETHA IMPENDULO
YEMITHANDAZO**

**Njalo samukela kuye konke esikucelayo ngoba
siyayilalela imilayo yakhe senze okumthokozisayo.**

—1 UJohane 3:22

Uthando loNkulunkulu

1. UJesu waphendula wathi, “‘Thanda iNkosi uNkulunkulu wakho ngenhliziyo yakho yonke langomphefumulo wakho wonke langengqondo yakho yonke.’ Yiwo owokuqala njalo odlula yonke imilayo.”

—UMatewu 22:37, 38

Uthando labantu

2. “Owesibili unjengawo: ‘Thanda umakhelwane wakho njengoba uzithanda wena.’ ” —UMatewu 22:39

Imilayo yonke elitshumi ibaliwe kuleyi imibili imikhulu (qmakhasi 34-35).



THANDO YILO OLUKHULU KULAKHO KONKE

37

Isahluko sothando

(1 AbaseKhorinte 13:1-8, 13)

¹Loba ngikhuluma ngendimi zabantu lezezingilosi, kodwa ngingelalo uthando, ngiyinsimbi nje ekhalayo loba izenge elincencethayo. ²Loba ngilesipho sokuphrofitha, ngingaqedisisa imfihlakalo zonke kanye lokwazi konke, njalo nxa ngilokukholwa okungasusa izintaba, kodwa ngingelalo uthando, kangisilutho. ³Loba nginganika abayanga konke engilakho nginikele lomzimba wami emalangabini, kodwa ngingelalo uthando, kangizuzi lutho. ⁴Uthando luyabekezela, uthando lulomusa.

38 Kalulamona, kaluzincomi, kaluzigqaji.

⁵Kalusisosiqholo, kaluzifuneli okwalo, kaluphangisi ukuthukuthela, kalubambeli zikhwili. ⁶Uthando kaluthokozeli okubi [isiphambeko], kodwa luthokozela iqiniso. ⁷Luhlezi luvikela, luhlezi lukholwa, luhlezi lusehemba, luhlezi lubekezela. ⁸Uthando kalupheli. Kodwa lapho okuleziphrofethi khona, zizaphela, lapho okulezindimi khona, zizathuliswa; lapho okulokwazi khona, kuzakwedlula.

¹³Okuthathu lokhu kuma kunjalo: ukukholwa, ithemba lothando. Kodwa okukhulu kwalokhu luthando.

UNKULUNKULU LUTHANDO

...UNkulunkulu uluthando. Ohlala ethandweni, uhlala kuNkulunkulu, loNkulunkulu kuye. —1 UJohane 4:16

UJESU UFUNA UTSHUMAYELELE ABANYE

39



(ngekhaya, esikolo, esontweni,
loba ngaphi)

UJesu wathi, “...Hamba
ekhaya kwabakini ubatshela
ukuba iNkosi ikwenzele
okunganani, lokuthi ibe
lesihawu kuwe.”

—UMakho 5:19

UKUBAKWAZI UMNTWANA KANKULUNKULU WEQINISO

“Bonke abantu bazakwazi ukuthi lingabafundi bami nxa lithandana.” —UJohane 13:35

Kodwa izithelo zikaMoya luthando, lokuthokoza, lokuthula, lokubekezela, lomusa, lokulunga, lokuthembeka, lobumnene kanye lokuzithiba.... —AbaseGalathiya 5:22, 23

UMNTWANA KANKULUNKULU WEQINISO UYATHETHELELA ABANYE

“Ngoba nxa libathethelela abayabe belonile, [izoni] uYihlo osezulwini laye uzalithethelela.” —UMatewu 6:14

IZINTO EZIYISIKHOMBISA EZIZONDWA NGUNKULUNKULU

Amehlo atshengisa ukudelela, ulimi oluqamba amanga, izandla ezichitha igazi elingelacala, inhliziyo egaya izibozi, inyawo eziphangisa ukuya ebubini, umfakazi wamanga, okhuluma inkohliso lomuntu oletha ukuxabana kubazalwane.
—Izaga 6:17-19

¹⁹...Ukuhlobonga [ucansi phakathi kwabangatshadanga],
lokungesabi ukujeziswa, lokuxhwala; ²⁰ukukhonza izithombe
lobuthakathi; inzondo lokuxabana,...lobuhwaba, ukungezwani
lokungavumelani ²¹lomhawu; ukudakwa lokuzitika
ngamanyala kanye lokunye okunjalo. ...abaphila kanje
kabayikulidla ilifa lombuso kaNkulunkulu.


—AbaseGalathiya 5:19-21

Kumbe amasela loba izihwaba kumbe izidakwa loba
abanyeyayo kumbe.... —1 AbaseKhorinte 6:10

VUMELA UJESU AKUGCWALISE NGOMOYA WAKHE AKUNGCWELISE

Njalo lokho yikho abanye benu ababeyikho. Kodwa
selageziswa, selangcweliswa [wenziwa ngcwele],
selalungiswa ngebizo leNkosi uJesu Khristu langoMoya
kaNkulunkulu wethu.

—1 AbaseKhorinte 6:11



(Bala uLukha 16:19-26.)

Woba lesiqiniseko sokuthi ukholelwa kuJesu Kristu. Uzaloba igama lakho eNgcwadini yeMpilo.

Nxa umuntu ibizo lakhe lalitholakala lingalotshwanga encwadini yokuphila wayephoselwa echibini lomlilo. —Isambulo 20:15

UJESU YIYO INDLELA YOKUYA KUNKULUNKULU

43

...UNkulunkulu usinike ukuphila okulaphakade njalo lokhu kuphila kuseNdodaneni yakhe. —1 UJohane 5:11

Ngoba inhlawulo yesono yikufa, kodwa isipho sikaNkulunkulu siyikuphila okungapheliyo kuJesu Khristu iNkosi yethu. —AbaseRoma 6:23

Loba ngubani obeke ithemba lakhe eNdodaneni ulokuphila okungapheliyo, kodwa loba ngubani oyilahlayo iNdodana kazukuyibona leyompilo ngoba ulaka lukaNkulunkulu lohlala luphezu kwakhe. —UJohane 3:36

UJesu waphendula wathi, “Mina ngiyiyo indlela njalo ngiliqiniso lokuphila. Kakho oza kuBaba ngaphandle kwami.” —UJohane 14:6



UJohane kumbono wakhe Isambulo 21 wabona izulu elitsha lomhlaba omutsha.

“Uzazesula zonke inyembezi emehlweni abo. Akusayikuba khona futhi ukufa loba ukulila loba ukukhala loba ubuhlungu ngoba umumo omdala wezinto usudlule.”
Lowo owayehlezi esihlalweni sobukhosi

wathi, “Ngenza izinto zonke zibe zintsha!...” —Isambulo 21:4, 5

UJohane wabona Ikhaya eliNgcwele, iJerusalema elitsha, lisehla livela kuNkulunkulu ezulwini. ...Idolobho lakhiwe ngegolide elicengeke njengengilazi. Izisekelo zemiduli yedolobho zaziceciswe ngezinhlobo zonke zamatshe aligugu....

—Isambulo 21:18, 19

UJESU WAHAMBABA UKUYALUNGISELELA 45 IKHAYA BONKE ABAKHOLELWA KUYE

“Inhliziyo zenu kazingakhathazeki. Kholwani kuNkulunkulu; likholwe lakimi. Emzini kaBaba kulezindlu ezinengi; aluba kwakungenjalo ngabe ngalitshela. Ngiya khona ukuyalilungisela indawo. Njalo nxa sengiyile ukulilungisela indawo ngizabuya ngizolithatha ukuthi libe lami, ukuze libe lami lapho engikhona.”

UJohane 14:1-3

ITSHELA ABANYE NGENDABA EZINHLE

UJesu wathi, ...“Hambani emhlabeni wonke litshumayele ivangeli kukho konke okwadalwayo.” —UMakho 16:15

...Lowo ozuza imiphefumulo uhlakaniphile.

—Izaga 11:30

IZITHEMBISO ZIKANKULUNKULU EBANTWANENI BAKHE

...“Kangisoze ngilitshiye; kangisoze ngilidele.”

—AmaHebheru 13:5

Ngoba uzayala izingilosu zakhe ngawe zikulinde kuzozonke izindlela zakho.

—AmaHubo 91:11

“...Kakho ongazihlwatha esandleni sikaBaba.” —UJohane 10:29

“...Ngempela ngilani kokuphela, kuze kube sekupheleni kwesikhathi.”

—UMatewu 28:20

“Ungazesabi inhlupheko esezizakwehlela.

...Thembeka, lanxa kuselungeni lokufa, mina ngizakupha umqhele wokuphila.” —Isambulo 2:10

...Lanxa ngihlezi emnyameni, UTHIXO

uzakuba yikukhanya kwami. —UMikha 7:8

“Ngibiza ngizakusabela....” —UJeremiya 33:3



Wonke umuntuuzavuswa kwabafileyo.

“...Siyeza isikhathi lapho bonke abasemathuneni abo bezalizwa ilizwi layo baphume, labo abenze okuhle bazavuka baphile, lalabo abenze ububi bazavuka balahlwe.”

—UJohane 5:28, 29



Abafela kuKristu bazavuswa kuqala.

Emva kwalokho, thina esisaphila njalo sisele sizahlwithwa kanye labo emayezini ukuba sihlangebeze iNkosi emoyeni. Ngakho sizahlala leNkosi kuze kube nininini.

—1 AbaseThesalonika 4:17

“Lindani! Qaphelani! Kalikwazi ukuthi sizafika nini lesosikhathi.” —UMakho 13:33

UJESU UZABUYA NJANI?

“Khangelani uyeza ngamayezi, amehlo wonke azakumbona....” —Isambulo 1:7

Qaphela oKristu bamangalama phorofitha amanga.

“Nxa ngalesosikhathi omunye esithi kini, ‘Khangela, nangu uKhristu!’ loba ‘Ulaphaya!’ lingakukholwa lokho. ...Nxa umuntu elitshela esithi, ‘Nanguyana, laphayana egangeni,’ lingayi khona loba athi, ‘Nangu lapha ezindlini ezingaphakathi,’ lingaze lakukholwa lokho.’ ” —UMatewu 24:23, 26

UJESU UYEZA MASINYANE EMAFINI EZULU

“Ngoba njengombane osuka empumalanga uhle ubonakale lasentshonalanga, kuzakuba njalo ukufika kweNdodana yoMuntu. ...Kuthi zonke izizwe zomhlaba zilile. Zizabona iNdodana yoMuntu isiza ngamayezi esibhakabhakeni, ilamandla lobukhosi obukhulu.” —UMatewu 24:27, 30

IHUBO LIKAMALUSI

(AmaHubo 23)

¹**UTHIXO** ungumelusi wami, angiyikuswela lutho. ²Ungilalisa emadlelweni aluhlaza, ungikhokhelela emanzini apholileyo, ³uvuselela umphefumulo wami. Uyangihola ezindleleni zokulunga ngenxa yebizo lakhe.

⁴**Loba ngidabula esigodini sethunzi lokufa, angiyikwesaba okubi ngoba wena ulami; intonga Yakho lodondolo Lwakho kuyangiduduza.** ⁵Ulungisa itafula phambi kwami emehlweni ezitha zami. Ugcoba ikhanda lami ngamafutha; inkomitsho yami igcwele iyaphuphuma.

⁶**Impela okuhle lothando kuzangilandela zonke insuku zokuphila kwami, njalo ngizahlala endlini KATHIXO kuze kube nininini.**

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**



Read booklets online or by App
www.wmp-readonline.org

2330 Ndebele WTG

Mahala — Alimenga lithengiswe

World Missionary Press, Inc.
PO Box 120
New Paris, IN 46553-0120 USA
www.wmpress.org

12-24